



繆思風采

獻給我上愛上尊敬個人

● 張垣鐸*

二哥仔：

今仔日是您在紅塵最後个一段時間，過無多久，您个孝生、女兒、女婿、內孫、外孫、小弟、小妹共親戚朋友，就要送您上西方極樂世界，將裝著您个骨骸个金斗甕，安在俺張家个祖塔了。

近幾日來，您个小弟我想起真多真多个代誌，我甲垣濱考高中、大學个時，您攞甲俺二仔、俺娘陪在阮个身軀邊，來啦阮壯膽。我記仔真清楚，民國 59 年，垣濱考中海洋學院，我考中台灣師範大學个時，您比任何人攞較歡喜，彼時陣个榜單，您到現在都保留在抽仔內。您未放心乎阮二个庄腳团仔自己上基隆、台北，您專工請假三日，共四姊夫陪阮二人去註冊。您个疼惜，您个關心，您交代阮愛認真讀冊个每一句話，我到現在攞記牢牢。

民國 63 年，阮對大學畢業返來个時，您甲俺二仔、俺娘、十哥仔，已經起好一落上新上婿个大厝要乎阮住。我心內个感動，對您个感激，三十七年來，攞無改變。二哥仔，您知影無？

您對世大人真友孝順從，從來不曾忤逆，食頭路每個月所領个薪水，攞原封不動交乎俺娘。下班以後，不管是禮拜日，抑是放假个時，您攞佇園裡作食，任勞任怨，全心全力為這個家庭付出。五个小妹、三个小弟，攞佇您个疼惜愛護照顧栽培之下，成家立業，過著真好个生活。二哥仔，有您做阮个兄哥，阮感覺真安心、真快樂、真

* 張垣鐸，南台科技大學通識教育中心人文藝術組講師。



幸福。

您比什麼人攞較了解您个健康，暑假个時，我返去陪您五日，問您真多真多个代誌。您特別交代，彼一日來到个時，愛向英裕感謝，感謝伊每禮拜六專工安高雄駛車返來煮青炒又攞營養个飯菜乎您喫。若無英裕个孝心，恐怕您早早就走了。所以愛我代表您，感謝英裕个孝心。阿伯會保庇你个中藥房生意興旺，日後足有發展个。

您麼特別交代，愛向二姊夫、二姊仔說明，您並無留任何負債乎恁个親生孝生英揮負擔，請恁放心。

您也特別交代，在您破病个這段時間，糟坐真多个親戚朋友，厝邊隔壁，小弟小妹，內孫外孫，甚至嫁去遠地个外甥女、外甥婿來探視您。您愛我代表您好好感謝大家个好意疼惜。感謝、真感謝。

二哥仔，您要走个時存，尚未放心个，就是一身病痛，為俺張家做牛做馬、打拼一世人个二嫂。二哥仔，您放心，您二位友孝个孝生英揮、英軒，共女兒宴菁仔，一定會奉待伊到百歲年老。您个三個小弟也要踮遮向您保證，會負責看顧二嫂，未乎伊受任何委屈个。

二哥仔，我佇遮講這坐話，您有聽見無？如果那有後世人，如果俺攞有緣做兄弟，二哥仔，您愛个記得，換您做小弟，換我做兄哥，乎我好好來疼惜您、愛護您、照顧您、栽培您。二哥仔，您講，好無？

您个細漢小弟垣鐸 壬辰年八月初三 二哥出殯前夕

